

साहित्य अकाडेमिआ मुलुगनां आइजो सानजों लोब्बा लाखिनानै नारी चेटना आरो कथासंधी हाबाफारि खुंदों



कक्राझार, 8 मार्च: साहित्य अकाडेमिआ आरो चिरां जिल्लानि बेंटल फरायसालिमानि बर' बिफान आरो आइजो गांखं जुथायै बान्जायनायाव दिनै 8 मार्च, मुलुगनां आइजो सानजों लोब्बा लाखिनानै नारी चेटना आरो कथासंधी हाबाफारिखौ जोबोद मेहेर गोनाडै खुफुनाय जायो। हाबाफारियाव बुंथिगिरि महरै बाहागो लानानै डा: फिरफिला मोसाहारिआ आइजोफोरा गाव-गावनि देहाखौ माबादि लाखिनांगौ बेनि सायाव बिबुंथि लाखियो। नैथि बुंथिगिरि महरै डः

(□ 6 बिलाइआव)

(□ 1 बिलाइनिफ्राय)

साहित्य अकाडेमिआ मुलुगनां आइजो सानजों लोब्बा
लाखिनानै नारी चेटना आरो कथासंधी हाबाफारि खुंदों
मेफि रजे बर'आ साखि मावनाय आरो जिउ हान्थिनायाव आइजोफोरा बेसेबां सांग्रां जानांगौ बेनि सायाव बिबुंथि लाखियो। मिनारुपा नार्जारीआ गावनि सोर्जिनाय दोनै खन्थाइ फरायथिनानै होयो। गुबुन फारसेथिं रंगिना बरगयारिआ आइजोफोरा गावसोरखौनो माबोरै उन्दैनिफ्रायनो गासै बिथिडव साग्रिद जानांगौ बेनि सोमोन्दै बुंथियो। हाबाफारिखौ मासिगिरि बिबान लानानै सामलायो बेंटल फरायसालिमा बर' बिफाननि गाहाइ डः राहेल मसाहारिआ। आलासि सिनायथि होनाय हाबाफारिखौ मावफुडे साहित्य अकाडेमि बर' सुबुरन आफादनि सोद्रोमा जैस्त्रि बर'आ। नारी चेटना हाबाफारिखौ बेखेवनानै होयो बेंटल फरायसालिमानि गोरायुं डः रन्जित कुमार नार्जारीआ। नैथि हाबाफारि कथासन्धियाव बाहागो लायो 2011 आव रावस्लायनाय आयदायाव साहित्य अकाडेमि बान्था मोनगिरि हरिनारायण खाख्लारीआ। बिथाड गावनि जिउ हान्थिनि सोमोन्दै बुंथिनायजों लोगोसे सुंद' सल' आरो खन्थाइ फरायथिनानै होयो। साबायख'र बाउयो बेंटल फरायसालिमा आइजो गांखनि फोनांजाबगिरि इब्रिया खाख्लारीआ। □